

# Aretxagazeta

ARETXABALETA / Egubakoitza / 2005eko apirilaren 29a

378. zenbakia

KOORDINATZAILEA: Mirari Altube • Durana 11 ARETXABALETA 20550 • Tel.: 943 79 86 21 • Faxa: 943 77 18 54 • Posta elektronikoa: aretxagazeta@goiena.com • Lege gordailua: SS378/94

## Oinezkoendako pasabidea egingo dute zubi azpitik Aretxabaletako sarreran

MIRARI ALTUBE

Aretxabaletako saihebidetaren iparraldeko sarreran, hau da, Arrasatetik datorren errepidea Aretxabaletan sartzen den tokian, zubi azpiko pasabidea egingo du Foru Aldundiak oinezkoendako. LKS enpresak egin zuen proiektua 2003an, eta orain ikusgai jarri dute.

Aldaketa asko izango ditugu urte gutxian herriko iparraldeko sarreran. Trenbidea erreka albotik bideratuko dute, eta Arrasatera doan errepidea pasatzeko ibilbidea egingo du zubiaren azpitik Foru Aldundiak.

### SEGURTASUN ARAZOA

Herritar asko ibiltzen da Aretxabaletatik Arrasatera joan-etorrian lehengo trenbidea aprobetxatuta. Arrasaterantz egiteko, baina, errepidea pasatu behar da, eta oinezkoak asko badira automobilak izugarri. Orain arte istripu larririk gertatu ez bada ere, gerta daitekeela ikusi zuten bi herrietako Udalek, eta kezka horiek azaldu zizkioten Foru Aldundiko Garraio eta Errepide Sailari bere garaian. Hala, gune horretako segurtasun arazoa konpontzeko asmoarekin LKS enpresari proiektua egiteko eskatu



Arrasateko bidegorrira joateko errepidea gurutzatu behar dute oinezkoek; benetan arriskutsua zenbat auto dabilen ikusita.

zion Foru Aldundiak 2003an. Egin bai, baina orain arte geldi eduki dute. Arazoa larria dela konturatu edo, lanak lehenbailehen hasi behar direla erabaki dute orain.

### ZUBIAREN AZPIKO PASABIDEA

Deba ibaia gurutzatzeko dagoen zubiaren azpian egingo dute pasa-

bidea, eta ibilbidearen bi ertze-tako bidegorriekin egingo du bat: Arrasatetik datorrenarekin eta Aretxabaletatik doanarekin. LKSk egindako proiektuak proposatzen du hiru metro zabal eta 320 metro luze dituen pasabidea egitea. Gehienez ere %6ko maldaz izango du. Argiteria zerbitzua jarriko dute, bide gorrietan dago-

en antzera, eta pasabidea egiteko Deba ibaiaren zati bat esku-ma aldera bideratuko dute.

Dagoeneko eman du ontzat proiektua Foru Aldundiko Bide Azpiegiturarako Sailak. Lanak egiten hasi aurretik, ordea, hilabetez izango da ikusgai aipatutako proiektua udaletxeko Hirigintza Sailean, maiatzaren 15a

*Istripu larria gerta daitekeela ikusi zuten bi herrietako Udalek, eta hala jakinarazi zuten*

*Zubiaren azpian egingo dute pasabidea, eta bi bidegorriekin egingo du bat*

*Hiru metro zabal eta 320 metro luze izango ditu, gehienez ere %6ko maldarekin*

arte, hain zuzen. Egin behar dituzten lanak ikusi gura dituenak udaletxean hitzordua eskatu behar terik ez du.

## Erreka osteko etxeak egiteko lehenengo probak egin dituzte

M.A.

Etxe asko egingo dituzte erreka ostean, ia 550. Horieta-tik 185, Udalak finkatutako preziodunak, Gabonetan zozketatu zituzten, eta asteen hasi da Bruesa enpresa eraikitzailea planoak ikusteko dei egiten.

Deba erreka osteko beste aldean etxebizitzak egiteko izendatu zuten, eta 550 inguru egingo dituzte kirol-etxean hasi eta Lausitta kalera bitartean.

Horretarako baina, azterketa geologikoak egin behar dituzte lehenengo, eta horretan ibili dira azken bi hilabeteotan. Ondoren, urbanizazio proiektua eta konpentsazio proiektua aurkeztu behar dizkio Bruesa enpresa eraikitzaileak Udalari, eta azkenik etxeok egiten hasiko dira.

### PLANOAK IKUSTEKO DEIA

Etxeok eraikitzen hasi aurreko pausoak ematen dabil Bruesa. Hala, asteen jaso dute Gabonetan zozketatu zituzten etxeen

jabeek planoak ikusten joateko deia. Ekainean izango da hori.

Bruesak 428 etxebizitza eraikiko ditu kirol-etxetik Cerrajera Valle Leniz lantegira bitartean. 185ek Udalak finkatutako prezioa izango dute. Beste 100 babes ofizialekoak izango dira, 80 prezio librea dutenak eta 18 txaletak. Gainerako 45ak sustatzaileraren eskuetan geratuko dira.

Bestalde, CVL lantegia lekuz aldatzen dutenean 121 etxebizitza egingo dituzte bertan; prezio librea izango dute guztiek.



Zundaketa lanak egiten ibili dira azken bi hilabeteotan erreka osteko beste aldean.



**FARMAZIENTXANDA**

ZAPATUA, 30  
ITURRALDE, Belorrieta 1. . 943 79 27 22  
DOMEKA, 1  
ITURRALDE, Belorrieta 1. . 943 79 27 22

**TELEFONOAK**

**OROKORRAK**

Almen	943 71 49 07
ARETXAGAZETA	943 79 86 21
Faxa	943 77 18 54
Basotxo	943 77 09 81
Euskaltegia	943 79 21 68
Gizarte laguntzailea	943 71 18 62
Industrialdea	943 79 62 80
Institutua	943 79 79 00
Kirol etxea	943 71 26 28
Kultura etxea	943 71 10 27
Gazteria saila	943 71 10 27
Kurtzebarri Eskola	943 79 00 49
Kurtzebarri BHI	943 79 57 40
KZGunea	934 79 94 44
Liburutegia	943 71 18 62
Loramendi EE	943 77 09 70
Ludoteka	943 79 05 81
Mankomunitatea	943 79 30 90
Murrakixo ME	943 79 93 74
Musika Eskola	943 79 36 50
Osasun etxea	943 71 19 59
Otalora	943 71 24 06
Parrokia (bulegoa)	943 79 18 42
Pausoka Haur Eskola	943 77 03 77
Postetxea	943 79 28 31
Basabeazpi Ikastola	943 71 21 18
Taxi geltokia	943 77 12 64
Udal Bulegoak	943 71 18 62
Udalzaingoa	943 71 18 63
Urats Gain	943 79 99 11

**UDALZAINGOA**  
Arrasate . . . . . 943 79 14 39

**LARRIALDIAK**  
SOS Deiak . . . . . 112  
Eskualde Ospitalea . . . . . 943 03 53 00  
Ertzaintza . . . . . 943 79 71 99  
Gurutze Gornia . . . . . 943 76 55 76  
Larrialdiak . . . . . 943 46 11 11  
Suhiltzaileak (Onati) . . . . . 943 78 28 00

**MEZAK**

**ANDRA MARIAREN ZERURATZE PARROKIA**  
Domeketan: 11:00, 12:00  
Zapatuetan: 19:30  
Hiletak: 19:00

**SANTA RITA**  
Domeketan: 09:00  
Zapatutan: 18:30  
Lanegunetan: 19:00

**BASERRI AUZOETAN: LARRINO**  
Ez dago mezarik.  
**MENDIOLA**  
Domeketan: 12:00 (Otoitzaldia bakarrik)  
**GELLAO**  
Ez dago mezarik.

**BAZKIDEAK EGITEKO KANPAINA JARRI DU ABIAN**

**Abantaila ugari izango dituzte Loramendi EEko bazkideek**

MIRARI ALTUBE

**Bazkideak egin gura ditu Loramendi Euskara Elkarteak. Hala adierazi dute egunotan herritarrei helarazi dieten eskutitzean. Bazkideek, gainera, hainbat zerbitzu jasoko dituzte trukean.**

Loramendi EEk bazkideak egiteko kanpaina jarri du abian. Helburu horrekin eskutitzak bidali dizkiete herritarrei. Bazkide direnek ere datuak berrituta bete behar dute txartela.

**HAINBAT ZERBITZU TRUKEAN**

Urtean 25 euro da Loramendi EEko kuota. Horren truke, baina, hainbat abantaila eskaintzen ditu euskara elkarteak: ikastaroak, ludoteka eta *Astehenekoa Goienkaria* merkeago. Antolatutako ekintzen berri ematen duen triptikoa bidaltzen die bazkideei, eta hiru hilean behin afari bat zozketatzen du.

Orain, horiez gain, beste aukera batzuk eskainiko ditu: euskara elkarteek Debagoienean antolatzen dituzten ekintzen berri jakinaraziko die posta elektronikoko bidez, eta horietara joateko sarrerak eta Badihardugu elkarteak argitaratutako liburuak zozketatuko ditu.

**HIRU HILEAN BEHIN EGITARAUA**

Loramendi EEk Udalaren dirulaguntza jasotzen du. Hala ere, bazkideak oso garrantzitsuak direlakoan dago, eta dituenak gehitu gura ditu kanpaina horrekin.

Udaleko Euskara Zerbitzuekin eta Kultura Sailarekin batera egiten du lan. Hala, hiru hilean behin egitaraua kaleratzen du eta hitzaldiak, ikastaroak eta beste hainbat ekintza gertatzen ditu. Horrez gain, gazteei arreta berezia eskaintzen die eta geure euskaran idatzitako *Dakixenak Einddaixela* orri papera banatu du ikastetxeetan.

**HARTZAREN GAINEKO BERBALDIA**

Datorren egunean, maiatzak 5, hartzaren gaineko berbaldia egin-



Aprila eta ekaina bitartean antolatutako ekintzak aurrera doaz.

go du Migel Mari Elosegik. Tolosarra da bera, eta *Hartzak Pirinioetan XXI. mendean* saiakerarekin Juan Zelaia saria irabazi zuen. Hartzak Pirinioetan duen garrantzia aztertzen ibili da sei urte baino gehiagoan Migel Mari, eta horren berri emango die aretxabaletarrei. Cannelle hartzaren heriotzak izan duen eragina ere aipatuko du. 19:00etan izango da berbaldia, udaletxe zaharrean.

Maiatzaren 12an, ostera, Jon Arretxe Basauriko idazle eta bidaiaria etorriko da. *Griot* bidaia liburuaren aurkezpena egingo du. Haur eta gazte literatura, saiakera eta narrazioa landu ditu Arretxek, eta *Griot* laugarren bidaia-liburua du.

*Eguenean, maiatzak 5, hartzaren gaineko berbaldia egingo du Migel Mari Elosegik*

**LABUR**

**Gaixoen oliadura egingo dute bihar, 19:00etako mezan**

Bihar, apirilak 30, gaixoen oliadura egingo dute Andre Mariaren Zeruratze parrokian, 19:00etako mezan. Sakramentua hartu gura dutenek izena eman behar dute aurrez sakristian. Deialdia batez ere gaixorik daudenendako eta 65 urtetik gorakoendako egin dute.

**KZ Guneak gertu ditu maiatzerako ikastaroak**

Hainbat ikastaro antolatu ditu KZ Guneak maiatzerako. Batzuk orokorrak izango dira, hau da, Internet ginetik ezagutzeko, eta beste batzuk gai zehatz baten gainekoak. Azken horien artean daude: ardoa ezagutu, postala zelan bidali, finantzekin lan egin, Adobe Acrobat Reader programa ezagutu, egunkaria irakurri eta Outlook Express programa zelan erabili ikastaroak. Euskaraz izango dira guztiak, arratsaldeetan, eta izena emateko KZ Gunea deitu behar da (943 79 94 44).



**Mitologian oinarritutako topaketak**

Literatura Topaketak egin dituzte astean Kurtzebarri eskolan, eta atzo bukatu zituzten Irakur Maratoiarekin. Aurten, euskal mitologia izan dute lagun, eta sorginak, jentilak eta aspal-diko kondairak landu dituzte lau egunetan. Jesus Mari Olai-zola *Txiliku* idazlearen sekretuak ezagutu zituzten batzuek, marrazkiak, jolasak eta ipuinak kontatu zituzten beste batzuek. Irakur Maratoian ikasleek gain gurasoek eta herritarrek ere izan zuten lekua, eta gaur, eguraldia lagun, irteerak egin dituzte nagusienek Urkulu, Muru eta Galartzara. / M.A.

**Angelines AUTOZERBITZUA**  
*Frutan eta txarkuterian espezialitatea*  
Mitarte 16 • 943 79 61 42  
ARETXABALETA

**Expres**  
  
Santakurtz 16  
943 79 23 43

**GARBITU S. KOOP**  
*Garbiketa orokorrak*  
Errekabarren 3- Behea  
ARETXABALETA  
Tel: 943 79 01 28



# Patinaje ikastaroa antolatu dute aurrekoaren arrakasta ikusita

M.A.

Patinaje ikastaroa antolatu dute Udaleko Kirol Zerbitzuek. Izan ere, otsailean egin zutenak izugarritzko arrakasta izan zuten, eta errepikatzea erabaki dute. Maiatzaren 4an bukatuko da izena emateko epea, eta lehen bezala, Mikel Morrasedi emango ditu eskolak.

Aurtengo bigarren patinaje ikastaroa antolatu du Udaleko Kirol Zerbitzuek. Izena emateko epea maiatzaren 4an, eguaztena, bukatuko da, eta izena emandako lagun kopuruaren arabera ikastaroak aurrera egingo du edo ez.

## BI MAILA AUKERAN

Lehen bezala, bi maila izango dituzte aukeran interesatuek: hastapena, hasiberriendako, eta hobekuntza, teknika hobetu gura dutenendako. Hori bai,

biak dira helduendako, hau da, 16 urtetik gorakoendako.

Zapatuetan emango ditu eskolak Mikel Morrasedi arrasatearrak, eta 7 saio izango dira maiatza eta ekaina bitartean. Hastapena hautatzen dutenek 10:00etatik 11:30era izango dituzte eskolak, eta hobekuntzara doazenek 11:30etik 13:00etara. Taldea sortzeko, baina, gutxienez 12 lagunek eman beharko dute izena. Debarroko Kirol Zerbitzuetako abonatuak 20 euro ordaindu beharko dute ikastaroa, eta gainerakoak, 24

euro. Izena emateko kirol-etxera deitu (943 71 26 28) edo [kirola@aretxabaleta.net](mailto:kirola@aretxabaleta.net) helbidera idatzi.

## IZUGARRIZKO ARRAKASTA

Gero eta jende gehiagok atsegin du patinekin ibiltzea. Horren erakusgarri da otsailean egin zuten ikastaroa, izugarritzko arrakasta izan zuen eta.

35 lagun ibili ziren orduan; hastapen ikastaroan 19, eta hobekuntza ikastaroan 16. Aretxabaletarrez gain inguruko herrietatik ere hainbat lagun hurreratu ziren patinekin ibiltzen ikastera.

Behin ikasi ostean leku egokia behar da patinekin gustura ibiltzeko. Batzuk Urkulura joaten dira, eta gainerakoak Debagoieneko beste herri batzuetan bilatzen dituzte lekuok, Garagartzara bidean edo herriko pilotalekuetan esaterako.

*Lehenengo ikastaroan 35 lagun ibili ziren; 19 hastapen mailan, eta 16 hobekuntzan*



Izugarritzko arrakasta izan zuen aurtengo lehen ikastaroak, 35 lagun ibili ziren.

## LABUR

### Realaren lagunartea sortu gura dute herrian; edozein Realzalek eman dezake izena

Real Sociedad taldearen lagunartea sortzeko burutazioa izan dute herriko hainbat lagunek. Orain herriko Realzale guztiei zabaldu gura diete gonbitea, eta edozeinek eman dezakeela izena gaineratu dute: ume, gazte, zein nagusi. Arlutz eta Orly

tabernetara jo behar dute interesatuek izena ematera, eta 10 euroko fidantza utzi behar dute.

Lagunartea sortzeko lehenengo pausoak ematen dabilza Aretxabaletan, eta izenak jaso ostean, Realera joko dute ekimenaren berri emateko.

### Partidu gogorra du preferenteak

Partidu benetan zaila dauka domekan preferenteko taldeak Zumarragan. Urola izango du aurrez aurre, eta puntu baten diferentzia besterik ez dute. UDAk 37 puntu ditu eta 16. dago sailkapenean; Urolak, ostera, 36 puntu ditu eta, 18. dago.

## PARTIDUAK

### FUTBOLA

**Urola-UDA**  
Preferentea.  
Domeka. Zumarraga.  
**UDA/Arizm.-Real Union**  
Infantil ohorezko maila.  
Zapatua. 10:15. Ibarra.  
**UDA-Antiguoko**  
Ohorezko gazteak.  
Zapatua. 16:30. Ibarra.

### PILOTA

**Aretxab.-Bergara**  
Egubakoitza. Iturrigorri.

## EMAITZAK

### FUTBOLA

**UDA 1 Orioko 0**  
Preferentea.  
**Ondarroa 0 UDA 0**  
Ohorezko gazteak.  
**UDA/Arizm. 0 Bergara 3**  
Lehen mailako gazteak.  
**UDA/Arizm. 5 Eibartarrak 0**  
Lehen mailako kadeteak.  
**UDA/Arizm. 4 Iksaberri 3**  
Bigarren mailako kadeteak.  
**Sp Herrera 1 UDA/Arizm. 1**  
Infantil ohorezko maila.

**Mutriku 11 Almen/UDA 0**  
Emakumezkoen liga (igoera).  
**Urola 5 Almen/UDA 2**  
Emakumeen F-8 liga.

### PILOTA

**Deba Arroko Txapelketa**  
**Errasti 22-Oion/Uriarte 3**  
**Lasagabaster/Alzola 22-**  
**Agirrebeña/Andonegi 6**

**Jauregi Okindegia**

Otolora 10  
Tel.: 943 79 57 47  
ARETXABALETA

**IRIARTE**

Umeen denda  
Helduen lentzeria



Durana 8  
Tel.: 943 79 10 96  
ARETXABALETA



**MAPFRE**  
Aseguroak

Errekabarren 3  
Aretxabaleta  
Tel.: 943 77 11 76

**Dorleta taberna**

Bezereen zerbitzura


Loramendi 8  
Aretxabaleta  
Tel.943 79 94 15



**FELIX PAGALDIA**

Laborantza tresnak  
Ongarriak- Haziak

Mitarte 7 behea  
ARETXABALETA  
Tel.943 77 00 33/79 42 36



ZATOZ GURE MUSIKAZ GOZATZERA

Mitarte 9 • Aretxabaleta  
Tel.: 943 79 92 01

**Iber**

★ Loteria ★  
✿ Paper denda ✿  
✱ Liburuak ✱

Otolora 2.  
ARETXABALETA  
Tel.: 943 79 04 39

**KiXkur**  
ILEAPAINDEGIA

Solarium bertikala  
Ile-luzatzeak  
Estetika zerbitzuak

Loramendi 11. Tel.: 943 79 90 79. ARETXABALETA





**ATREBENTZIAEZPADA/ Ze pentsetan jatzu maitezien leko jaixe 2re pasetie? Jaixek badauko zentzurik?**



**JAVI DEL FRESNO**  
Langillie




**MIRIAM URIBARREN**  
Langillie



**TOMAS BESA**  
Jubilaue



**MARIA LUISA LEGARRA**  
Langillie



**FRANCISCO GARCIA**  
Jubilaue



**MARI JOSE MARTINEZ**  
Langillie

Ondo, domekan ezin dou jai-rik hartu, hortaz, lan egu-nien jai hartzie ondo dau. Jentiek, dana dala, kanpo-ra urtetie besterik ez dau gure izeten, sindikatuek bakarrik ospaketan daue.

Bueno, ondo, jai dan bittar-tien... Gauza haundirik ez dakit egitten dan gaur egu-nien, jai hartzeko egune izeten dala pentsetan dot. Jai sinbolikue bihurtu dala esango nauke.

Tontokerixa galanta pen-tsetan jat aldaketie. Ze zeri-kusi dauko maitezien lak 2xekin? Jai egitteko bere egunien egin biher da. Eta gaiñera, ez dot pentsetan zentzu haundirik daukenik.

Ez dakit, baiñe pentsetan dot egune errespetau egin biher dala. Aldaketie ez dutzet zentzurik topetan, eta jaixek be ez daukela indderrik uste dot; sinbo-lismo hutsien geratu da.

Domekan dala eta aldatu? Elixako jai egunek ez dittue ba aldaketan... Langillien egune maitezien la da, eta 2xe madrildarrendako. Gu-re dauena egittie daukie, bai-ñe ez jat pentsetan serixue.

Tontokerixie dala. Oin, oso ondo dau zubixe dauken jentiendako, hobeto aprobe-txetako jai egunek. Izen be, horixe gure dou danok, kan-pora alde egittie. Lauk bes-terik ez daue ospaketan.

**TXALOAKETATXISTUAK**



**TXISTUAK NON DAUDE ZEBRABIDEAK?** Urkulura doan bidegorri dotorea egin ziguten, baina hara heltzeko zebra-bidea jartzea ahaztu zitzairen. Etxe berriak egin zituzten, baita taberna ere, baina zebra-bidea jartzea ahaztu zitzairen. Gero tranbia etorriko da, eta auska-lo zelan geratuko den ingurua, baina bitartean zebra-bide barik egon behar ote dugu? Lehenbailehen behar delakoan nago. / M.A.

**ORAINDELA 3URTEARETXABALETAN**

**Aretoaren proiektua erakutsi zuen Udalak**

Musika eskola dagoen tokian, Otolara kaleko 27an, hainbat era-bilera izango zituen aretoaren proiektua egin zuen Udalak. Herriko kultura taldeei erakutsi zien, eta hauek oniritzia eman zio-ten. Gainera, politikarien arteko adostasuna lortu eta aurrera egin zezatela eskatu zieten.



**ASTEKODATUA**

**37**

**PUNTU DITU UDAKO PREFERENTEKO TALDEAK**

Sailkapeneko 16. postuan dago domekan irabazi ostean. Hala ere, zuloa oraindik gertu dauka, eta irabazten jarraitu behar du. Izan ere, azken postuetan talde asko daude puntu berdintsuekin.

**BESTEKEESANA**

**Telebistek 'itzali telebista 2005'ak proposatutako egun hauek iragarri ere ez dituztenez egingo, ez dut uste jende asko enteratu ere egingo denik. Zentzurik ere ez diot aurkitzen horrelako egun bereziak antolatzeari; zer gertatuko litzateke benetan astebetetz telebista seinalea eten eta ikusteko aukerarik ere ez bagenu izango?**

**OIHANE AGIRRE**  
'Asteleheneko Goienkaria'/05-04-25

**Uste dugu egokiena Urzaiz kontratua berritzea dela, nahiz eta diru asko eskatzen duen. Egia da Llorenteri minutu gehiago eman behar zaizkiola, baina Urzaiz oraindik jokatzeko moduan dagoela uste dugu.**

**ALVARO URRETA**  
'Asteleheneko Goienkaria'/05-04-25

**HERRITARRENBERBAK/ Arrate Arkauz**



*Handi egiten naizenean...*

**G**auean, ohe gainean lo egin ezinik eta gora begira nagoela, buruak mila erre-paso egiten dituen horietako batean, handi egiten naizenean udaltzaina izango naizela erabaki dut. Ni, udaltzaina. Horrela, nik ikusi ezin ditudan pertsonen automobileren isunak jarriko dizkiet, eta ezagutzen ditudane-kin, lagunenekin, berriz, ez ikusiare-na egingo dut. Daukadan egunaren arabera, hobeto edo okerrago portatuko naiz herritarrekin. Nahi dudana tokian jarriko ditut isunak, eta nahi ez dudana tokitik paseatu ere ez dut egingo, badaezpada. Gainera, jarritako isuna ordaintzera datozenean, dakarten aurpegiaren arabera barkatu egingo diet edo ez diet barkatuko. Neure baitan egongo da guztia, neu naizela-ko udaltzaina. Gainera... Bueno hobeto pentsatu dut, eta ez, ez naiz udaltzaina izango, ez behintzat neure herrian; bestela, herritarren aurpegi

ilunak ikusi beharko ditut. Agian, ni handi egiten naizenerako aparkaleku gehiago izango ditugu herrian, eta ez da gaizki aparkatu beharrik egongo. Agian handi egiten naizenerako udaltzainek ez dute hainbesteko lanik izango.

**"Isuna ordaintzera datozenean dakarten aurpegiaren arabera barkatu egingo diet edo ez diet barkatuko"**

Egia esan, denoi gustatzen zaigu etxe ondoan aparkatzeko aukera izatea, gure herria polit eta ordenatua egotea, denok gustura paseatzeko espaloi zabalak edukitzea, inguruan loreak ikustea eta txakur-reek kaka egiteko zelaitxo edo lorategiez goza-tzea... Baina ez dugu ukatu behar, gure herrian badela aparkaleku gehiago egiteko modurik, eta ez dakit zergatik ez dituzten egiten.

Bueno, logura apur bat ere badut eta hobe izango dut lo egitea. Nire beroaldi batengatik ez dut herri guztia hankaz gora jartzeko eskubiderik, eta gutxiago, gure herriaren alde lanean ari direnak.